

劉氏族譜



淮陽
劉氏
族譜

第

字號

冊

先行紀引

先行易紀乎。禮曰：君子以論撰先人之行美爲孝。然則述情以譽可乎。禮曰：先人無美而稱之，是誣也。仲卿漢源通籍錄所載顯宦德業可歌名儒著作可述，易弗紀，無如世遠年湮，而附會影響，徒來遙亡華胄之譏，不如弗紀之爲愈也。自漢卿公以來，其爲顯宦名儒幾何。吾族氣運稍後，人文鵲起，仕版蟬聯，尙以俟諸異日也。業非顯宦名儒，又曷貴乎紀。懷仁慕義者，不爵而自尊，不祿而自富也。紀著書立說，不求聞達者，可以傳諸後世也。其有超塵越俗，志潔行芳者，則亦紀之。有重義輸財，恩施族黨者，則亦紀之。然善者紀以示勸，惡

者曷弗紀以示戒。茲家乘也，非國史也，不但爲其子若孫，地
惡宜隱，而善宜揚也。因繕謄先行，謹弁數言于首。

廷昱謹識

蘊玉公傳

公名天璞，字蘊玉。不羣公三子也。年襁褓而孤，事母。廖孺人至孝，凡廖孺人喜^怒愛憎，公皆先意承志，而晨昏溫清，數十年如一日。以此廖孺人克享高年，竟忘乎其爲寡也。友愛二兄，至老怡怡，雖分爨後，家事悉聽二兄裁處，而於財帛，不屑匕與人較鎔銖，家業亦未嘗不豐裕。素性謹厚，勵志詩書，鍵戶肄業，足跡不入市井，甚爲宗黨所敬服。至操觚染翰，尤特清新，試而不售，乃幡然曰：「句不阿時，主司所棄，余豈肯少貶求售？遂無心功名，設教鄉塾，見學子有可造就者，力爲引誘，以成其材。又嘗語人曰：『讀書乃吾人分內事，豈專

以求名耶？於是手執一編，朝夕不倦，而鄉里塵垢俗事，避之若浼焉。嗚呼！昔人稱王通爲隱德君子，如公不愧所謂也。享年六十有九，元娶范孺人無出，繼娶伍孺人生子四，俱婚娶未得嗣，長二三相繼沒，惟季子文敏，煢煢子立，毋抑天之所以報善人者遲，而將來於文敏有厚望耶？余生也晚，見公時年尚幼，未悉其行事，今劉氏重修族譜，季子徵傳于余，訪諸老成，得其大概，因不揣陋而爲之傳。

愚姪孫婿羅朝廣頓首拜撰

京山公傳

夫人生平足錄，斯可信。今而傳後，傳者所以傳其人之實蹟也。予宗叔京山，乃儀章公令嗣。世居翠華淮陽，自令祖文武公始遷琴水之坪山，迄今已數十年矣。嘗聞宗叔祖父端莊嚴肅，議論深醇，凡鄉間有爭競，人所不能解免者，適造廬就質，得一二語以釋之，帖如也。居恒勗子姪，接鄰里一惟以忠信勤儉爲本，而宗叔則善繼志，兢兢焉罔敢失墜。故登其堂，肅雍有度，觀其家物產豐饒，皆其明驗也。合鄉炙其素行，莫不敬而禮之，羨其有祖父風，爰贈以匾曰：光裕遺徽。宗叔誠不愧矣。歲在乙丑，值重修家乘，令姪盛廷以宗叔傳囑。

予與宗叙素相厚，知之最悉，因不揣謏陋，用撮數語以述其大概而爲之傳。

宗姪拜賡頓首拜撰

叔祖太錦章公暨陳孺人合傳

公名文綺，字錦章。儀一公長嗣也。童子時，氣質已如成人。父兄諸老咸愛之，謂其秉性溫良，迥異凡兒。他日可卓立有成，以承先志者。生平敬天地，禮神明，一皆出于至性，無少褻越。元配陳孺人，勤儉勞苦，以佐內治。孝順公姑，和睦妯娌，不愧古賢媛風。錦章公年三十有七，始育一子俊憲。時儀一公年已六十有三矣。嘗竊喜曰：是亦吾子敬禮天地神明之一報也。奈天不假以遐齡，年僅四十而終。孺人方三十有二，其子甫四齡，呱呱孤雛，幾無可怙。孺人悲咽絕食，痛不欲生。適族叔秉剛公過廬慰問，力言勸勉曰：忍令爾

公姑年邁既死，子又死，婦且孤雛尚幼，汝若斃焉，則孤既失
怙，旋又失恃，孤將誰撫？節雖全，何益乎？孺人乃心領其訓，
悲稍釋，矢冰心以爲志。舉平日孝順公姑，勤苦持家者如故。
享壽八十二而歿。宗黨皆爲惋惜。欽生晚，未獲親悉其事，因
與任遠叔祖閒相談論，兼聞儀一公授子遺囑，始得其
大畧，而爲之傳云。

愚姪孫 欽頓首拜撰

叔祖亦章公傳

公名天憲，字亦章，永龍公第四子也。世居在城，距祖鄉淮陽六十里。賦性孝友，寄懷高曠，具貞操，尚介節，心存長厚，口不雌黃，縱家貲淡薄，不苟取，卓有古廉士風。乾隆三年六月，值天妃神會時，車填馬騶，絡繹不絕。公亦乘輿來遊於擠擁雜踏之區，拾得一包，囊內貯朱提。公不隱，輒大聲喧揚，聞者莫不代爲之喜。公獨惻然曰：財者，命所關也，失其財，如絕其命矣！于是竚候良久，至晚適有一人，突如其來，姓巫名近昉者。公詢之，得其情，遂慨然奉還，毫無吝色。昉不勝欣幸，願分半相酬。公却曰：余若望酬，不如不言。

汝其知乎。昉歸家備述其事。一時闔邑士女。聲稱藉匕。昉祖
歲貢生。巫賢芳公。深嘉之。卽協仝兩庠暨六方約保。共申稟
報。邑侯沈披閱具呈。大彰公道。給以介節可風匾額。至今
猶稱道弗衰。嗟乎。公處貧窘。而能還金却調。世所罕觀。高
風洵足美焉。適值重修家譜。合族不沒其行。命余爲傳垂後
世云。

愚姪孫邦傑頓首拜撰

外祖舅翼皇劉公行畧

太翁系出劉氏，名天輔，翼皇其字也。生平嚴氣正性，笑言不苟，事父母能得其歡心，誨子弟以勤儉爲治家要圖，以忠信爲立身大節。其有不就教者，必旁引曲喻，講究詳明，終日不倦。處大事神色晏然，而批導嶽卻，迎刃以解。凡遇爭競事，必求直於翁。翁爲開誠教導，人莫不帖然服，而強梗不率者，則正色直言，而責其非。里有志在修怨，懷金私贈，冀翁稍爲偏袒。翁斥之曰：我受若金，獨不畏四之乎？其人慚慙，不敢復言。或謂翁曰：正直廉介，固爲美德，獨不計其啾恨乎？翁曰：吾自行吾直耳，人之啾恨，何計焉？享壽九十有一而終。

隆屬孫增，佩德既深，知翁最悉。凡善行不能盡述，僅列其大畧如此。

愚孫婿王世隆頓首拜撰

象賢劉翁傳

翁劉姓，名文岑，象賢其字，享壽九十，淮陽高義人也。家居無事，雅向堦前澆花，也遺興玩月，杼懷以供不時幽賞。庭中遍列古玩彩色，照人撫摩不釋。時翻閱列傳，內有忠臣義士，卽摘出爲子孫訓，與先君同年契厚，復締姻好，得時往來。因於翁之梗概特悉。古人有安步當車，晚食當肉，種梅養鶴者，翁殆其流亞也歟。

姻教姪吳峯拜撰

劉翁仲賢家傳

翁名文崑，字仲賢，號惕菴，淮陽劉氏也。狀貌豐頤，秉性剛直，而接人則樂易可親。鄉黨有事，皆質於翁。翁委曲開導，無不立解。少時治舉子業，人咸以遠大期。比長，負奇氣，遨遊江湖，遇山水則情深流覽，遇高人則把臂談心，不屑七於計然策也。而所億必中，貲產益豐。於是出其所有，以賑恤修道路，建橋梁，無少慳吝。年五十息業於家，構華屋，繡戶朱簾，不減輞川圖畫。翁恬憇其間，旦暮消閒，孫曾繞膝，遂不覺忘其身之老也。歿年八十有八，令嗣憲誦，嘗與予通往來，今其族輯宗譜，憲誦來請傳，遂爲之書。